

De iure patrón. in genere. Cap. XXVI.

ad brachium seculare, extr. de offic. ordi. c. 1. & de here. c. excoicamus, §. moneantur. Hæc Innoc. in c. 1. extr. eod. & Turrecr. in cap. pię mentis, nu. 14. 16. q. 7.

8 Septima. Si inter patronos est discordia quis eorum sit patronos, & patroni sunt laici, tunc Episcopus debet expectare vsque ad quatuor menses, si vero sunt clerici vsque ad sex: nam tantum tempus habent ad presentandum, vt not. Io. de Anan. in ca. quoniam, extr. cod. Quod si vsque tunc non fuerit definitum, promideat Episcopus de pastore, saluo in posterum iure ipsius qui vicerit, c. fi. ext. eod. Si autem sit discordia inter Episcopum, & patronos laicos presentantes, forte Episcopo ignorante eos esse patronos, & tunc donec lis sopiatur, ponat Episcopus in ecclesia economum, qui fructus referret futurę personę, c. cū uos, de off. ord.

9 Octaua. † quando patroni nolunt conuenire propter discordias, possunt pacifici ut alternis vicibus presentent, l. quoties. ff. de usufr. Quę quidem cōuentio potest fieri sine autoritate Diocesani, ita habetur in Clem. si plures, eod. tit. in ver. libere, facit quod not. de preben. in 6. c. licet Episcopus. Do. Ant. in cap. 1. nu. 12. eod. tit. & per hoc reprobat opinio Innoc. in cap. querimoniam, extr. eod. ubi tenet necessariam auctoritatem superioris. Immo potest talis cōuentio fieri etiā ecclesia non vacante, ita glo. ex versic. eo. in d. Clem. aliegar. tex. in cap. consultationibus, de donat. Item probatur in tex. ibi in d. Clem. dum dicit, alternis vicibus: nam in eadem vice non potest concurrere duplex vacatio. Pariter si habent plures patronatus, possunt inter se conuenire, vt vnus presentet in vna ecclesia, & alius in alia, Abb. in d. c. 1. nu. 6. Et sic ut vnus sit patronus solus in vna ecclesia, & alius in alia, secundum Vinc. in d. c. 1. & cap. ex in sinuatione.

10 Nona. † Laicus, & clericus si habet simul potestatem presentandi: & laicus, & clericus presentant vnum: deinde laicus ante admissionem Episcopi variat accumulando, quis istorum admittatur? Et

an Episcopus possit secundum præferri in præiudiciū primi? Dic, q. non. Sed primus est admittendus: quia primus habet duas voces, scilicet vocem laici, & vocem clerici, secundum vnam tantum, ita Do. An. in cap. quod autem, nu. 13. extr. eod. E. quo tex. duo notant Doct. quod patronus laicus potest ante admissionem Episcopi variare, vnde primo presentato, potest presentare secundum. Item, quod potest variare accumulando non autem recedendo à primo. Abb. & Io. de Anan. in d. c. quod autem.

11 Decima. † Presentatio facta à pluribus vt valeat, quandoque necesse est, ut conueniat maior pars, habito respectu ad omnes patronos, & quandoque sufficit maior pars respectu partium. Exemplum primi, septem sunt patroni, tres presentant vnum, duo vnum, & duo alium. Dicit Ioan. And. in c. 3. extr. eod. quod ille, qui habet tres, debet præferri: quia habet maiorem partem, & hoc intellige, quando isti presentant ut singuli, ut communiter faciunt laici, qui de patrimonio habent ius patronatus, & ita intelligitur tex. in d. c. 3. Nonnunquam sufficit maior pars respectu minoris partis. Vt quā presentatio competit pluribus, non ut singulis, sed ut vniuersis, ut quia presentatio fit à collegio. Et ita intellige tex. in c. ecclesia vestra, de elect. Exemplum. In vniuersitate sunt centum, quinquaginta eligunt vnum, triginta, vnum, & vnginti, vnum, nulla electio valet, quia non reperitur facta à maiori parte totius vniuersitatis. Sic intellige de scholaribus: quia eligunt non ut singuli, sed ut collegium, & ut vniuersi, arg. in c. cum pro causa, de proci. & per Innoc. in cap. cum ab ecclesiarum, de offic. ordin. Hinc collige regulam, vt quando plures habent explicare aliquem actum, scilicet per debes considerare, an habeant hanc potestatem, ut collegium, an ut singuli: quia primo casu requiritur maior pars totius collegii: sed in secundo, requiritur maior pars respectu aliarum partium, ita Abb. in c. 3. extr. eod.

12 Vndecima. † Patroni quandoque debent